



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

REPUBLICA E KOSOVES / REPUBLIKA KOSOVA / REPUBLIC OF KOSOVO
AGJENCIA KUNDER KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Dep. 2-0/OPK
Nr.faq. 03
Nr. shtab. 01-1046/15
Nr. pages 08.04.2015

PH. SHITINE

DATË/A:	07.04.2015
REFERENC-Ë:	AKK-DPK-03-02/452/15
PËR/ZA/TO:	z. Lahi Brahimaj, Deputet i Kuvendit të Republikës së Kosovës
CC:	
PËRMES/PREKO/THROUGH:	
NGA/OD/FROM:	Hasan Preteni, Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me ofrimin e këshillimit profesional për parandalimin e konfliktit të interesit në ushtrimin e funksionit publik

I nderuari z. Brahimaj,

Lidhur me kërkesën tuaj të drejtuar Agjencisë kundër Korrupsionit, ju njoftojmë se; në kuadër të kompetencave të Agjencisë kundër Korrupsionit lidhur me konfliktin e interesit, sipas Ligjit për Parandalimin e Konfliktit të Interesit në ushtrimin e funksionit publik (L.P.K.I), Agjencia; “bënë këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave, dhe për çështje të etikës të lidhura me to, si dhe për regjistrimin rast për rast të interesave”, (neni 19 (paragrafi 1.5) i Ligjit nr.04/L-051), lidhur me pyetjen e z. Brahimaj, Agjencia Kundër Korrupsionit ofron këtë:

O P I N I O N

Ekziston konflikt i interesit në rastin e përfitimit të subvencioneve për kultivimin e kulturës bujqësore të grurit nga Ministria e Bujqësisë, Pylltarisë dhe Zhvillimit Rural (Agjencia për Zhvillimin e Bujqësisë) dhe njëkohësisht të qenurit anëtar i komisionit për Bujqësi, Pylltari, Zhvillim Rural dhe Planifikim Hapësinor në Kuvendin e Republikës së Kosovës.

ARSYETIM

Në kuadër të ushtrimit të kompetencave ligjore, përkatësisht sipas nenit 5 (paragrafi 1, nën paragrafi 1.5) të Ligjit nr. 03/L-159 për Agjencinë kundër Korrupsionit, Agjencia është autoritet qendror i cili ndër të tjera bën edhe mbikëqyrjen dhe parandalimin e rasteve që kanë të bëjnë me konfliktin e interesit si dhe ndërmerr masat e parapara ligjore.

Ligj bazë në ushtrimin e autoritetit të parandalimit të konfliktit të interesit në ushtrimin e funksionit publik është Ligji nr. 04/L-051 për Parandalimin e Konfliktit të Interesit. Ky ligj në nenin 6 ka paraparë nocionin e konfliktit të interesit i cili përcakton se *“konflikti i interesit është gjendja e mospajtimit ndërmjet detyrës publike dhe interesave private të zyrtarit të lartë, kur ai ka interesa private të drejtpërdrejta ose të tërthorta, personale ose pasurore, të cilat ndikojnë, mund të ndikojnë ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik”*, ndërsa neni 4 i këtij ligji ka përcaktuar kategorinë e zyrtarëve të lartë publik, të cilët i nënshtrohen këtij ligji që rrjedhimisht janë paraparë edhe Deputetët e Kuvendit të Republikës së Kosovës.

Në bazë të këtij neni z. Brahimaj si anëtar i komisionit funksional për Bujqësi, Pylltari, Zhvillim Rural dhe Planifikim Hapësinor në Kuvendin e Republikës së Kosovës, ka interesa private në përfitimin e subvencioneve për kultivimin e kulturës bujqësore të grurit, pasi që komisioni parlamentar e monitoron në mënyrë të vazhdueshme punën e Ministrisë së Bujqësisë, Pylltarisë dhe Zhvillimit Rural në kuadër të së cilës funksionon Agjencia për Zhvillimin e Bujqësisë.

Kjo për faktin se përfitimi i subvencioneve nga Ministria së Bujqësisë, Pylltarisë dhe Zhvillimit Rural, përkatësisht Agjencia për Zhvillimin e Bujqësisë, nga ana e juaj për publikun do dukej sikur ju mund të ndikoni, apo duket sikur ndikoni në paanshmërinë dhe objektivitetin tuaj gjatë mbikëqyrjes së këtij institucioni.

Ministria e Bujqësisë, Pylltarisë dhe Zhvillimit Rural, përgatit programin për përkrahje direkte për subvencionimin e kulturave bujqësore, konkretisht për kultivimin e kulturës bujqësore të grurit, ndërsa Agjencia për Zhvillimin e Bujqësisë bën implementimin e programit për subvencionimin e kulturave bujqësore, andaj përfitimi i subvencioneve dhe njëkohësisht

mbikëqyrja e këtij institucioni nga komisioni parlamentar në të cilin z. Brahimaj është anëtar, paraqet konflikt interesi.

Ligji për Parandalimin e Konfliktit të Interesit nr.04/L-051, neni 7 paragrafi (1, 2, 3, 5, 6, 8,), ka përcaktuar parimet e veprimit dhe mosveprimit të zyrtarit të lartë, në të cilin shprehimisht thuhet:

1. Zyrtari i lartë gjatë ushtrimit të funksionit publik duhet të veproj në mbrojtje të interesit publik dhe nuk ka të drejt që interesin e tij privat ta vërë para interesit publik, për mbrojtjen e të cilit është zgjedhur apo emëruar.

2. Zyrtari i lartë ushtron funksionin e tij në pajtim me ligjin dhe kodin e mirësjelljes.

3. Zyrtari i lartë duhet ta kryej punën e tij me ndershmëri, ndërgjegje, paanshmëri, të ruajë autoritetin e zyrtarit të lartë dhe institucionit dhe me punën e tij të rrisë besimin e qytetarëve në institucione.

5. Zyrtari i lartë nuk ka të drejt të shfrytëzojë funksionin publik për përfitim të kundërligjshëm për vete apo për të tjerët.

6. Zyrtari i lartë gjatë ushtrimit të funksionit publik nuk ka të drejt të krijojë marrëdhënie varësie nga persona tjerë që do të mund të ndikonin në paanshmërinë dhe shprehjen e vullnetit të lirë në vendimmarrje.

8. Zyrtari i lartë nuk duhet të lejoj që interesat e tij private të bien në konflikt me funksionin e tij. Ai duhet të shmang konfliktin e interesit pavarësisht nëse ai është real, apo i mundshëm.

Po ashtu edhe Kodi i Mirësjelljes për Deputetët e Kosovës ka paraparë disa parime për deputetët e Kuvendit të Republikës së Kosovës. Ky kod ka përcaktuar se, gjatë ushtrimit të funksionit publik deputeti duhet ti përmbahet parimeve vijuese disa parimeve:

Deputetët marrin vendime që janë vetëm me interes publik. Ata nuk mund të marrin vendime për përfitime financiare ose për përfitime të tjera materiale për vete, për familjet e tyre ose për shokët.

Deputetët nuk duhet të kenë detyrime financiare ndaj individëve ose ndaj organizatave që mund të ndikojnë në kryerjen e detyrave të tyre zyrtare.

Po ashtu neni 8 (paragrafi 1, 2, 3, 4, 5, 6), të Ligjit nr. 04/L-051, përcakton detyrimet e zyrtarit të lartë për parandalimin e konfliktit të interesit.

Duke ju rekomanduar të veproni konform këtij Opinioni, Agjencia Kundër Korrupsionit ju falënderon për bashkëpunimin dhe ju inkurajon që të vazhdoni këtë bashkëpunim edhe në të ardhmen.

Me respekt!